

中國文學精華

唐文評註讀本

下冊

唐文評註讀本 卷二

贈序

送劼赴太學序

劼，勃弟，以文顯，早卒。

王

勃

字子安，絳州龍門人。隋王通之諸孫。六歲善文詞。父爲交趾令，勃往省視，道過南昌，會都督閻公，宴客於滕王

閣。勃卽席作序，閻公歎爲天才。後渡海溺死，年二十九。勃每爲文，先磨墨，引被而臥。及寤，援筆書之，時人謂之腹藁。著有

王子安集十六卷。

今之游太學者多矣；咸一切欲速，百端進取。故夫庸受末學者，因利乘便；經明行修者，華存實爽；至於振骨鯁之風標，服賢聖之言，懷遠大之舉，蓋有之矣。未之見也。可以深慕哉！且吾家以儒輔仁，述作存者八代矣，未有不久於其道而求苟出者也。故能立經陳訓，刪書定禮，揚魁梧之風，樹清白之業，使吾徒子孫有所

取也。大雅不云：『無念爾祖；』易不云：『幹父之蠱；』書不云：『惟孝友于；』詩不云：『不如友生。』四者備矣。加之執德弘，信道篤，心則口誦，廢食忘寢，渙然有所成，望然有所伏。然後可以託教義，編人倫，彰風聲，議出處。若意不感慨，行不卓絕，輕進苟動，見利忘義，雖上一階，履半級，何足恃哉？終見棄於高人，但自溺於下流矣。

吾被服家業，霑濡庭訓，切磋琢磨，戰兢惕厲者，二十餘載矣。幸以薄技，獲蠲^{切古玄}戎役，嘗恥道未成而受祿，恨不得如古君子四十強而仕也。而房族多孤，飢^{切諸延}粥不繼，逼父兄之命，覩饑寒之切，解巾捧檄，扶老攜幼，今既至於斯矣。不蠶而衣，不耕而食，吾何德以當哉？至於竭小人之心，申猶子之道，飲食衣服，晨昏左右，庶幾乎令汝無反顧憂也。

行矣自愛！游必有方，離別咫尺，未足耿耿。嗟乎！不有居者，誰展色養之心？不有行者，孰就揚名之業？邊豆有踐，菽水盡心，盡各賦詩，敘離道意云爾。

裴行儉嘗病四傑爲輕薄故有士先器識而後文藝之言。今觀此文，何嘗不重器識耶？惜哉子安，特不幸而夭耳！使天永其年，其樹立詎行儉比哉？

【註釋】【太學】（唐書選舉志）太學生五百人，以五品以上子孫職事官五品期親若三品曾孫，及勳官三品以上有封之子爲之。

【唐受末學】喻所受所學者之淺少也。【骨鯁】正直也。（後漢來歙傳）大中大夫段熲，骨鯁可任。【述作存者八

代矣】（杜淹文中子序）玄則，字房法，即文中子王通六代祖也。仕宋，歷太僕國子博士，究道德，考經籍，江左號王先生。先生生煥，煥

生虬，虬生彥，彥生傑，傑生隆，即通父也。益以勃父福時爲八代。【立經陳訓刪書定禮】王通既卒，門弟子數百人會議曰：夫子

生當天下亂，莫予宗之。故續詩書，正禮樂，修元經，讀易道，聖人之大旨，天下之能事畢矣。仲尼既沒，文不在茲乎！（按）此節見同上。

【魁梧】（史記留侯世家）魁梧奇偉（按）魁梧，壯大之意。【無念爾祖】（詩大雅）無念爾祖，事修厥德。（按）無念，念也。【幹

父之蠱】句見（易蠱卦）（註）幹父之事，能承先軌，堪其任者也。【惟孝友于】（書經君陳篇）唯孝友于兄弟。（按）善兄弟

曰友。【不如友生】（詩小雅）雖有兄弟，不如友生。此言雖爲兄弟，且如朋友之互相琢磨也。【渙然句】（易正義）渙，盛也。

又渙爛，文章貌。【望然句】（孟子公孫丑章）望望然去之。（趙岐註）慚愧之貌也。伏，屈服也。（按）句言立己既正，則邪者見而慚

愧，爲所屈服也。【敦義】名敦之義，言可以身受敦義之寄託。【編】有組織相成之意。【風聲】（書經畢命）彰善癉惡，樹之

風聲。（註）立其善風，揚其善聲。【幸以薄技二句】唐制：民年二十爲兵，六十而免。新唐書載：勃於麟德初，對策高第，年未及冠，

授朝散郎。沛王聞其名，召署府修撰，既補饒州參軍。（按）此文當是在沛王府時所作。蓋年雖過二十，而既已入仕，得調除兵役也。

【四十強而仕】（禮曲禮）四十曰強而仕。

【飭粥】飭，同餽。（禮記喪服疏）厚曰餽，希曰粥。

【解巾捧檄】謂就仕也。幅巾

爲隱居之服，故出仕曰解巾。（後漢書）不得已解巾之郡，檄，官符也。猶今之委任狀。（後漢書）毛義家貧而孝，府檄至，以義爲安陽令，義

捧檄而入，喜動顏色。

【猶子】（禮喪服）兄弟之子，猶子也。

【遊必有方】（論語）父母在，不遠遊；遊必有方。

【耿耿】不忘

貌。【色養】以愉悅之顏色，孝養父母也。（晉書潘岳傳）膝下色養。

【簋豆有踐】句見（詩豳風）踐，行列貌，言周公以禮治

國，故禮器踐然行列，有次序也。

【菽水盡心】（禮記檀弓）啜菽飲水盡其歡，斯之謂孝。

送從姪崱遊廬山序

廬山在江西星子縣西北，九江縣南，古名南障山，一名匡山，總名匡廬。朱子以爲卽禹貢

之敷淺原，崱，音端。

李 白

余小時，大人令誦子虛賦，私心慕之。及長，

聲上

南遊雲夢，覽七澤之壯觀，酒隱

安陸，蹉跎十年。

初嘉興季父，謫長沙西還，時余拜見，預飲林下。崱乃稚子，嬉遊在傍，今來有

成，鬱負秀氣，吾衰久矣！見爾慰心，申悲道舊，破涕爲笑。方告我遠涉，西登香鑪，長

山橫蹙，九江卻轉，瀑布天落，半與銀河爭流，騰虹奔電，潏射萬壑，此宇宙之奇詭也。其上有方湖石井，不可得而窺焉。

羨君此行，撫鶴長嘯，恨丹液未就，白龍來遲，使秦人著鞭，先往桃花之水。孤負夙願，慙未歸於名山，終期後來，攜手五嶽，情以送遠，詩寧闕乎！

此似不經意之作，而筆端自有奇氣繚繞，令人不厭百回讀。

【註釋】【子虛賦六句】見李白上安州裴長史書。

【大人】李白父名客。

【安陸】縣名，故城在今湖北安陸縣北。

【嘉興】唐縣名，屬江南道蘇州，今浙江嘉興縣治。

【季父】（按）李陽冰爲李白族叔，陽冰爲當塗令，太白有縣從叔當塗令陽冰。

【詩文中所指，未知是否？】

【長沙】唐縣名，屬江南道潭州，今湖南長沙縣治。

【香鑪】（太平寰宇記）香鑪峯在廬山，舊裴君峰尖。

圓，煙雲聚散，如博山香鑪之狀。

【長山】疑卽長嶺，在九江縣東。

【九江】謂潯陽江，江自潯陽分爲九道，故曰九江，在九江縣西。

北。【瀑布】（周景式廬山記）白水在黃龍南數里，卽瀑布水也，土人謂之白水湖，其水出山腹，掛流三四百丈，飛湍於林峰之表，望之若懸素，注水處石悉成井，其深不測也。

【銀河】卽天河。

【潏】小水入大水曰潏。

【方湖石井】（遠法師遊廬山記）傳

聞有石井方湖，中有赤鱗涌出，野人不能殺，直數其奇而已。

【丹液】（漢武內傳）其次藥有九丹金液，服之，白日升天，此飛仙之所

服，非地仙之所見也。（楊炯詩）方士燒丹液，真人泛玉杯。

【白龍】（列仙傳）陵陽子明好釣，於溪得白龍，放之，後得白魚，腹中有書，

教子明服食，遂探五石脂服之，三年，白龍來迎，止陵陽山。

【著鞭】（晉書劉琨傳）琨少負志氣，與祖逖爲友，逖被用，與親故書曰：

「吾枕戈待旦，常恐祖生先吾著鞭。」其意氣相期如此。

【桃花之水】晉陶潛有（桃花源記）言武陵漁人入桃花林，遇秦時

避亂者，後迷其處。

【五嶽】山高而尊者曰嶽。唐虞四嶽，至周始有五嶽。五嶽者：河南華，河西嵩，河東岱，河北恆，江南衡也。

暮春江夏送張承祖監丞之東都序

唐文粹作送張承祖之東都序。按江夏縣，唐屬江南道

鄂州，今湖北武昌縣治。

李白

吁咄哉！僕書室坐愁，亦已久矣。每思欲遐登蓬萊，極目四海，手弄白日，頂摩青穹，揮斥幽憤，不可得也。而金骨未變，玉顏已緇，何嘗不捫松傷心，撫鶴歎息？誤學書劍，薄遊人間，紫禁九重，碧山萬里，有才無命，甘於後時。劉表不用於禰衡，子來江夏；賀循喜逢於張翰，且樂洛船中。

遇達人張侯——大雅君子——統泛舟之役，在清川之湄；談玄賦詩，連興數月；醉盡花柳，賞窮江山。王命有程，告以于邁，煙景之色，慘爲愁容；繫飛帆於半

天，汎淥水於遙海。欲去不去，更開芳樽，樂雖寔中，趣逸天外，平生酣暢，未若此時。至於清談浩歌，雄筆麗藻，笑飲醪錄酒，醉揮素琴，余實不愧於古人也。

揚袂遠別，何時歸來？想洛陽之秋風，將鱸魚以相待。詩可贈遠，無乃闕乎！意致灑落，詞旨秀發，似不食人間烟火者。

【註釋】

【遐】遠也。

【蓬萊】（史記封禪書）蓬萊、方丈、瀛洲，此三神山者在渤海中，諸仙人及不死藥在焉。

【青穹】天也。

穹，高大貌。

【金骨未變】

（吳筠步虛詞）自非挺金骨，焉得諧夙願！（李白感興詩）西山玉童子，使我鍊金骨。

【玉顏已緇】

玉顏，謂容顏白皙也。（宋玉賦）貌豐盈以莊姝兮，苞溫潤之玉顏。緇，黑色也。

【書劍】（史記項羽本紀）項籍少時，學書不成，去學劍，

又不成。

【紫禁九重】天子之居也。

【碧山】似指蜀言。

【劉表二句】

（後漢書禰衡傳）劉表及荊州士大夫，先服衡才

名，甚賓禮之；後侮慢於表，表恥不能容，以江夏太守黃祖性急，故送衡投之，後見殺。（按）文引禰衡以自況，妙在切地；下以張翰況承祖，更妙在切姓也。

【賀循二句】（晉書張翰傳）會稽賀循，赴命入洛，經吳閶門，於船中彈琴，翰初不相識，乃就循言談，便大相欽悅。

【泛舟之役】（左傳）秦輸粟於晉，自雍及絳相繼，命之曰泛舟之役。（按）文中引此，意張此行，乃爲漕運事。

【湄】水濱也。

【玄】清淨之道。

【程】期限也。

【于邁】遠行也。（詩魯頌）從公于邁。

【雄筆麗藻】

（郭璞爾雅序）英儒贈聞之士，洪筆

麗藻之客。疏曰：「洪，大也；藻，水藻也。」以喻人之文章。

【洛陽秋風兩句】（晉書張翰傳）翰字季鷹，吳人。至洛陽，齊王問辟爲

大司馬東曹掾，見秋風起，思吳中菰菜、蓴羹、鱸魚膾，遂命駕歸。

送王及之容州序

容州，唐屬嶺南道，治今廣西容縣。

元結

乾元初，漫叟浪家於灕讓溪之濱，以耕釣自全而已。九江之人，未相喜愛，其意似懼叟衣食之不足耳；叟亦不促促而從之。

有王及者，異夫鄉人焉。以文學相求，不以羈旅見懼；以相安爲意，不以可否自擇；及於叟也，如是之多。叟在春椿音陵，及能相從游，歲餘而去；將行，規之曰：『叟愛及者也，無惑叟言！及方壯，可強聲上藝業，勿以遊方爲意。人生若不能師表朝廷，卽當老死山谷。彼區區於財貨之末，局局於權勢之門，縱得鐘鼎，亦胡顏受納行矣！自愛！』

耿容州，歡於叟者。及到容州，爲叟謝主人。聞幕府野次久矣，正宜收擇謀夫，

引信才士，有如及也，能收引乎？二三子賦送遠之什，以系此云。

元王交誼，自異尋常，臨別贈言，相勗以正，非泛泛作送行序者。

【註釋】【乾元】唐肅宗年號。

【浪家】浪字含有不擇而居之義。

【瀼溪】在江西瑞昌縣治。

【促促】近密也。

【以

相安二句】上句言待己之優，下句言信己之甚，意其時結方羈旅，及以東道主自居，故下云及於叟也，如是之多，蓋結自謂受賜者

多也，與上文衣食不足云相連貫。

【春陵】隋郡名，治今湖北棗陽縣。

【壯】（禮曲禮）三十曰壯。

【遊方】（論語）父母在，

不遠遊，遊必有方。（接）文引此，意及父母尙存也。

【耿容州】當是容州刺史。

【幕府野次】師止曰次，時當行兵，故幕府在

野也。

送董劭南序

劭南，壽州安豐人。舉進士，不得志。時河北諸鎮，自天寶後，不稟朝命，每自辟士。劭南欲往依之。

韓愈

燕趙古稱多感慨悲歌之士。董生舉進士，連不得志於有司，懷抱利器，鬱鬱

適茲土，吾知其必有合也。董生勉乎哉！

夫以子之不遇時，苟慕義彊上聲仁者，皆愛惜焉；矧燕趙之士，出乎其性者哉？然吾嘗聞風俗與化移易，吾惡知其今不異於古所云邪？聊以吾子之行卜之也。董生勉乎哉！

吾因之有所感矣。爲我弔望諸君之墓，而觀於其市，復有昔時屠狗者乎？爲我謝曰：『明天子在上，可以出而仕矣。』

不及二百字，却有無數意思，無數波折，冷絕雋絕。

【註釋】

【燕】今遼寧河北及朝鮮北部，爲古燕地。

【趙】今河北南部及山西北部，爲古趙地。

【望諸君】樂毅爲燕昭

伐齊，下齊七十餘城。昭王薨，惠王立，齊田單用計間之。惠王使騎劫代毅，毅逃奔趙，趙封爲望諸君。（史記）有傳。

【屠狗】荆軻至燕，

友燕市屠狗者高漸離。事詳（史記刺客列傳）。

送高閑上人序

高閑上人，烏程人，善書。

韓愈

苟可以寓其巧智，使機應於心，不挫於氣，則神完而守固；雖外物至，不膠於心。堯、舜、禹、湯治天下，養叔治射，庖丁治牛，師曠治音聲，扁鵲治病，僚之於丸，秋之於弈，伯倫之於酒，——樂之終身不厭，奚暇外慕？夫外慕徒業者，皆不造去聲其堂，不躋才詣切其闕資四切者也。

往時張旭善草書，不治他伎，喜怒窘窮，憂悲愉佚，怨恨思慕，酣醉無聊不平，有動於心，必於草書焉發之。觀於物，見山水崖谷，鳥獸蟲魚，草木之花實，日月列星，風雨水火，雷霆霹靂，歌舞戰鬪，天地事物之變，可喜可愕，一寓於書。故旭之書，變動猶鬼神，不可端倪，以此終其身而名後世。

今閑之於草書，有旭之心哉！不得其心而逐其跡，未見其能旭也。爲旭有道，利害必明，無遺鎔銖，情炎於中，利欲鬪進，有得有喪，勃然不釋，然後一決於書，而後旭可幾也。

今閑師浮屠氏，一死生，解外膠，是其爲心，必泊然無所起；其於世，必淡然無

所嗜。泊與淡相遭，頽墮委靡，潰敗不可收拾，則其於書，得無象之然乎？然吾聞浮屠人善幻多伎能，閑如通其術，則吾不能知矣。

文亦可喜可愕。變動猶鬼神，不可端倪，入後泊淡云云，正見先生一生闢佛本旨。

【註釋】

【膠】執滯也。

【養叔】卽養由基也，以善射名，春秋楚莊王時人。

【庖丁】（莊子養生篇）庖丁爲文惠君解牛，文

惠君曰：「嘻，善哉，技蓋至於此乎！」

【師曠】字子野，春秋晉人，爲平公樂師，善聽音。

【扁鵲】姓秦，名越人，春秋時人，善醫。（史記）

有傳。

【僚】楚勇士，善弄丸。（莊子徐無鬼）市南宜僚弄丸，而兩家之難解。

【秋】古之善弈者。（孟子）弈秋，通國之善弈者也。

【伯倫】劉伶字，晉人，善飲酒。（晉書）有傳。

【嗜】嘗也。

【截】大肉也。

【張旭】唐時吳人，字伯高，善草書，世稱張顛。

【錙

銖】（說文）十黍爲累，十累爲銖，八銖爲錙。

【一死生】視死生若一也。

【解外膠】膠者，黏附之物，此言解脫身外黏附之

物也，如名利等是。

【得無象之句】此之字，指上頽墮十字言。

【浮屠】指佛教言。

送區冊序

區冊，南海人，喜讀書，操持雅飭。貞元中，愈以直言貶陽山令，冊往見，及歸，愈爲文送之。

韓愈

陽山，天下之窮處也；陸有邱陵之險，虎豹之虞；江流悍急，橫波之石，廉利侔劍戟，舟船上下，失勢破碎淪溺者，往往有之；縣郭無居民，官無丞尉，夾江荒茅篁竹之間，小吏十餘家，皆鳥言夷面，始至，言語不通，畫地爲字，然後可告以出租賦，奉期約；是以賓客遊從之士，無所爲而至。

愈待罪於斯，且半歲矣。有區生者，誓言相好，自南海挈女舟而來，升自賓階，儀觀甚偉。坐與之語，文義卓然。莊周云：『逃空虛者，聞人足音，愴然而喜矣。』況如斯人者，豈易得哉？入吾室，聞詩書仁義之說，欣然喜，若有志於其間也。與之翳嘉林，坐石磯，投竿而漁，陶然以樂，若能遺外聲利，而不厭貧賤也。

歲之初吉，歸拜其親。酒壺既傾，序以識別。

風神秀逸，是昌黎集中另自一種文字。

【註釋】 【陽山】唐縣名，屬嶺南道連州，今廣東陽山縣。 【邱陵】小阜曰邱，大阜曰陵。阜，土山也。 【虞】防也。 【廉利】

廉，稜角也，言石有蟲出如稜角者。利，鋒銳也。 【鳥言夷面】蠻人言語侏儻，如鳥鳴聲也。夷面，謂面目瘠怪。 【南海】唐縣名，屬

嶺南道廣州，今廣東南海縣。

【拏舟】拏，同拿。《莊子·漁父篇》：「丈拏而引其船。」按《說文》：「拏，持也。」

【賓階】東階也。古者賓上自東

階。

【逃空虛者三句】見《莊子·徐無鬼》：「趺然喜貌。」

【翳】蔭也。

【磯】淺水中之石，可登踐者。

送薛存義序

柳宗元

河東薛存義將行，柳子載肉於俎，崇酒於觴，追而送之江之滸，飲食之，且告曰：「凡吏於上者，若知其職乎？蓋民之役，非以役民而已也。凡民之食於上者，出其什一，傭乎吏，使司平於我也。今受其直，怠其事者，天下皆然。豈惟怠之，又從而盜之。向使傭一夫於家，受若直，怠若事，又盜若貨器，則必甚怒而黜罰之矣；以今天下多類此，而民莫敢肆其怒與黜罰者，何哉？勢不同也。勢不同而理同，如吾民何！有達於理者，得不恐而畏乎？」

存義假令零陵二年矣，蚤作而夜思，勤力而勞心，訟者平，賦者均，老弱無懷

詐暴憎，其爲不虛取直也的矣！其知恐而畏也，審矣！吾賤且辱，不得與去聲考績幽明之說；於其往也，故賞以酒肉而重之以辭。

民役非役民云云，爲今日公僕確實註脚，勢不同而理同，是良心上語。袞袞諸公其聽之！

【註釋】【俎】祭享之器。【崇酒】（儀禮鄉飲酒禮）崇酒（注）崇，充也。【澍】岸上平地，去水稍遠者，曰澍。【假令】假

暫時攝理也。【零陵】唐縣名，屬江南道永州，今湖南零陵縣治。【考績幽明】（虞書舜典）三載考績，三考，黜陟幽明。（註）三

年有成，故以考功，九歲則能幽明有別，黜退其幽者，升進其明者。

送孫生序

皇甫湜

浮屠之法，入中國六百年，天下胥乃化。其所崇奉，乃公卿大夫，野益荒，人益饑，教益頹，天下將蕪。而始渾然自上下安之，若性命固然也。

孫生天與之學，獨曉然於厚夜，聰然於大醉，發憤著書，攻而指斥之，其詞骯

委骯，被

痛入肝血，乃忘力之不足，以死爲斷，聲去庶幾萬一悟主救人者。

嗚呼！不得古人而與之，必也生乎。遂除肉刑，一女言也，能移高山，一翁願也。彼髡坤褐易，雖翳地，其無足憂乎！西江之涯，值生，盡出其說以爲贊，而見余。余既悲而異之，乃約其言。

潔淨精微，韓柳外別樹一幟。

【註釋】

【胥】諸辭。

【渾然】無知覺貌。

【厚夜】猶長夜也。

【聰然句】即衆醉獨醒之意。

【骯骯】（漢書校乘

傳）其文骯骯，（注）骯骯，猶言屈曲也。

【遂除肉刑】（漢書刑法志）淳于意當刑，少女緹縈上書，願入身爲官婢，以贖父刑。漢文

帝悲其意，爲除肉刑。

【能移高山】（列子）北山愚公，年九十，欲平太行，王屋二山，或笑之，公曰：『我死有子，子又生孫，孫又生子，

而山不加增，何苦而不平？』帝聽其誠，使夸娥氏二子負二山，一厓朔東，一厓雍南。

【髡褐翳地】髡，翦髮也。褐，毛布衣也。翳，蔽也。

此言釋子之多也。

送簡師序